



Broj: 03-11-6829-3/21
Zenica, 15.06.2021.godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama («Službeni glasnik BiH», broj: 39/14) i Zapisnika o pregledu i ocjeni ponuda, broj: 14-11-4-5174-8/21 od 11.06.2021.godine, u postupku javne nabavke „Sukcesivno pružanje usluga štampanja Službenih novina Zeničko – dobojskog kantona“, sekretar Sekretarijata za zakonodavstvo Zeničko-dobojskog kantona, d o n o s i:

O D L U K U

o izboru najpovoljnijeg ponuđača

1.Prihvata se preporuka Komisije za javnu nabavku iz Zapisnika broj: 14-11-4-5174-8/21 od 11.06.2021.godine i ugovor za „Sukcesivno pružanje usluga štampanja Službenih novina Zeničko – dobojskog kantona“ dodjeljuje se ponuđaču Štamparija P.O. Petica Zenica, kao jedinom prihvatljivom i najbolje ocijenjenom ponuđaču, sa cijenom od 27.300,00 KM bez PDV-a.

2.Ponuđač kojem se dodjeljuje ugovor dužan je dostaviti dokumente iz člana 45., 46. i 47. Zakona o javnim nabavkama navedene u tački 3.1., 3.2. i 3.3. Tenderske dokumentacije, u roku od 5 (pet) dana od prijema Odluke o izboru najpovoljnijeg ponuđača.

3.Nakon pravosnažnosti ove Odluke, izabranom ponuđaču iz tačke 1. ove Odluke dostavit će se prijedlog ugovora o nabavci.

4.Ova odluka objavit će se na web-stranici <http://www.zdk.ba/> istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama. Ova odluka dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke „Sukcesivno pružanje usluga štampanja Službenih novina Zeničko – dobojskog kantona“ pokrenut je donošenjem Posebne odluke o pokretanju postupka broj: 03-11-6829/21 od 11.05.2021. godine.

Javna nabavka je provedena po konkurentskom zahtjevu za dostavu ponuda sa predviđenim provođenjem postupka e-Aukcije putem portala za Javne nabavke BiH. Procijenjena vrijednost nabavke je 30.000,00 KM bez PDV-a.

Dana 20.05.2021.godine objavljena je tenderska dokumentacija na portalu Agencije za javne nabavke istovremeno sa objavom Obavještenja o nabavci, pod brojem: 14231-7-2-1-3-1/21. Do 25.05.2021. godine, sa “Portala javnih nabavki BiH” www.ejn.gov.ba, tendersku dokumentaciju je preuzelo 9 ponuđača (Izvještaj o preuzimanju tenderske dokumentacije od strane ponuđača preuzet sa Portala javnih nabavki BiH).

Kriterij za dodjelu ugovora je najniža cijena tehnički zadovoljavajuće ponude, sa svim popustima i bez PDV-a.

Ponude su blagovremeno dostavili sljedeći ponuđači:

- PRINT-GS d.o.o. Travnik i
- Štamparija P.O. Petica Zenica.

Komisija za provođenje postupka javne nabavke izvršila je detaljnu analizu blagovremeno pristiglih ponuda, te utvrdila sljedeće:

Odbacuje se ponuda PRINT-GS d.o.o. Travnik jer ista nije u skladu sa tačkom 4.5. tenderske dokumentacije. Naime, tačkom 4.5. propisano je: "Ponuđač treba popuniti Aneks II – Obrazac za ponudu i Aneks III – Obrazac za cijenu ponude, koji se nalaze u prilogu ove tenderske dokumentacije.

Sve cijene treba da budu navedene u konvertibilnim markama (KM), zaokružene na treću decimalu", a ponuđač PRINT-GS d.o.o. Travnik je u svojoj ponudi u Obrascu za cijenu ponude – Aneks III naveo jediničnu cijenu zaokruženu na četiri decimale i ukupnu cijenu na dvije decimale. Tačkom 4.4. Tenderske dokumentacije propisano je: Ponuđači su dužni dostaviti popunjen obrazac za cijenu ponude, u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda biće odbačena."

Imajući u vidu naprijed navedno, ponuda ponuđača: PRINT-GS d.o.o. Travnik se odbacuje u skladu sa članom 68. stav 4. tačka (i) Zakona o javnim nabavkama, jer iste ne ispunjavaju zahtjeve iz tenderske dokumentacije.

S obzirom da je za ovaj postupak je bila predviđena e-aukcija, a da je primljena samo jedna prihvatljiva ponuda, shodno članu 3. stav (3) Pravilnika o uslovima i načinu korištenja e-aukcije („Službeni glasnik Bosne i Hercegovine“, broj: 66/16), e-aukcija se nije mogla zakazati, te će predmetni postupak biti okončan u skladu sa članom 69. Zakona o javnim nabavkama („Službeni glasnik Bosne i Hercegovine“, broj: 39/14).

Uzimajući u obzir sve gore navedeno, te da je ponuda ponuđača Štamparija P.O. Petica Zenica prihvatljiva prema obliku, sadržaju i potpunosti, Komisija je dala preporuku Ugovornom organu da Ugovor o sukcesivnom pružanju usluga štampanja Službenih novina Zeničko – dobojskog kantona dodijeli ponuđaču Štamparija P.O. Petica Zenica, kao jedinom prihvatljivom i najpovoljnijem ponuđaču u postupku javne nabavke.

Kako u postupku ocjene provedenog postupka nabavke nisu utvrđeni razlozi, nepravilnosti ili propusti u radu Komisije, a koji bi eventualno bili osnov za neprihvatanje preporuke Komisije, to je cijeneći sve naprijed navedeno odlučeno kao u dispozitivu ove Odluke.

Pouka o pravnom lijeku

Protiv ove Odluke može se izjaviti žalba u roku od 5 (pet) dana od dana prijema ove odluke. Žalba se izjavljuje Uredu za razmatranje žalbi BiH, putem ovog ugovornog organa, u pisanoj formi na način propisan članom 99. Zakona o javnim nabavkama.

Dostavljeno: 1x Ponuđači (putem e-maila)

1x Služba za zajedničke poslove

1x a/a

